

44

光華醫藥雜誌

中國近代
中醫藥
期刊彙編

第四輯

上海辭書出版社

44

1994年10月

中國近代

中醫藥

期刊叢編

第100期

中國近代
中醫藥
期刊彙編

第四輯

44

鐵樵醫學月刊

上海辭書出版社



南京中医药大学图书馆版权所有

目錄

鐵樵醫學月刊	第一卷第一號	1
鐵樵醫學月刊	第一卷第二號	55
鐵樵醫學月刊	第一卷第三號	99
鐵樵醫學月刊	第一卷第四號	147
鐵樵醫學月刊	第一卷第五號	189
鐵樵醫學月刊	第一卷第六號	235
鐵樵醫學月刊	第一卷第七號	283
鐵樵醫學月刊	第一卷第八號	325
鐵樵醫學月刊	第一卷第九號	367

鐵樵醫學月刊	第一卷第十號		413
鐵樵醫學月刊	第二卷第一號		461
鐵樵醫學月刊	第二卷第二號		489
鐵樵醫學月刊	第二卷第三號		517
鐵樵醫學月刊	第二卷第四號		545
鐵樵醫學月刊	第二卷第五號		569
鐵樵醫學月刊	第二卷第六號		605
鐵樵醫學月刊	第二卷第七號		633
鐵樵醫學月刊	第二卷第八號		681
鐵樵醫學月刊	第二卷第九號		707
鐵樵醫學月刊	第二卷第十號		735

鐵樵醫學月刊

鐵樵函授醫學事務所出版

章巨膺主編

第一卷 第一號

中華民國二十三年一月十五日出版

本期要目

發刊詞	孫永祚
近來之感想	惲鐵樵
學員須備之參考書	章巨膺
疾病與調護	顧雨時
本草史畧	莊時俊
鐵樵函授醫學學員課藝彙刊	
鐵樵函授醫學同門錄	
立法院通過之中醫條例	



牌 靈 百

水 藥 風 掌 鵝

專治手掌紋路開裂脫皮

見血指肉空陷一切皮膚

開裂等症搽擦一瓶立見

奇效重者三四瓶包治包

愈如不見效向本所包退

還洋詳細說明函索即寄

如有患此症者請速試買

一二瓶搽擦神效莫測外

埠函購加寄費二成

經 售 處

四馬路 中西藥房

南京路 南洋藥房

二馬路 正威藥房

北四川路 公達藥房
老靶子路

霞飛路 東方藥房
貝福慶路西

每瓶大洋一元

分發行所

上海法租界貝勒路西門

路口均益里十四號倪文

鼎醫院

鵝掌風實屬惡疾百藥不

效因內藏有風血分不

故手掌皮膚開裂作癢實

非疥癬之疾通常成方外

治有逼毒向裏釀成風痺

痼疾之患此藥外搽則無


此弊然內藏有風能同時

內服憚製徒薪丹則病根

除矣

巨膺附識


影 近 生 先 樵 鐵 惲



差免登場笑沐猴
不因人熱任沉浮
消磨歲月憑書卷
衰白頭顱惜蒯緱
作達不填功過格
惲煩肯爲稻粱謀
百錢簾肆成都市
李蔡爲人第八流

鐵樵自題

上海鐵樵函授醫學事務所辦公室攝影



發刊辭

孫永祚

鐵樵函授醫學開辦之明年。同事章君巨膺議印月刊。自學員課藝問答以及政令著述關於醫事者。隨時刊之。以貽同學。先是嘗有課藝答問選刊。所以使同學相觀而善。收琢磨之益。今月刊猶此志也。而範圍稍廣矣。鄙人忝在教員之列。例不可不贊一詞。世人皆言西醫精密。國醫粗疏。宜國醫之見黜。而西醫之見重也。於是西醫既自負其精密。而國醫亦自病其粗疏。顧有老生之常談。而爲學士博士所不喻者。雖其言之粗疏哉。吾猶矜爲勝義也。且舉一事以例之。夫疾而求醫。與飢而求食。寒而求衣。其情弗殊也。中國之衣食與西洋之衣食不同。其所以療飢禦寒則同。所以同者。爲其均是人類也。所以不同者。人之剛柔緩急音聲不同。繫水土之風氣。謂之風。好惡取舍動靜無常。隨上之情欲。謂之俗。中國蔬食。西洋肉食。中國衣帛。西洋衣罽。風俗之異也。風俗之文野。姑弗論。要之各厭其滋味。各適其溫涼。不可相易已。是故西餐洋服。西洋留學生所以炫燿其故鄉。而有識之士固不謂彼善於此。由此推之。中西醫事不可一概而施。明矣。西洋人慣飲酪漿。病則以酪漿自養。中國人慣啜糜粥。病則以糜粥自養。若必以滋養料成分爲說。而強予酪漿。其如病人不悅何。西洋人以氣水進饌。冬夏不變。熱病飲水或無害。嘗見熱病西醫有恣予冷開水故有此推。中國人四時皆飲湯。熱病引冷必死。若但問水中有無病菌。而不問冷煖。亦遠於事情矣。凡此調護之宜。中西之不可強同。尙如此。卽藥劑手術可知也。然今之學士博士皆不屑措意焉。一切以其學於西

鐵樵醫學月刊

一

鐵樵醫學月刊

二

洋者施之國人。國人傾心於西來奇法。一任學士博士所措。至死不悔。嗚呼。學士博士之技術。衆人固不識也。衆人之常識。宜爲學士博士所備知。而竟有所不知。是之謂不忘人之所忘。而忘人之所不忘。何有於精粗疏密之辨哉。今吾同學所求者。世人所謂粗疏之學也。學之半年。所能言者。粗疏之尤也。變粗疏以至精密。吾道有弗能已。若其所以起病者。或有不讓於器械之巧。手術之奇。此則吾所謂精密。非世人所謂精密也。吾將與諸君從事於此。而此編之淺淺者。譬如大輅之椎輪。亦何可以其粗疏而棄之也。

民國二十三年一月孫永祚

近來之感想

惲鐵樵

予之醫學。是創作的。其實是刷新。的。中國醫學可貴處在驗方。而其受人指摘所在。在無標準。蓋無標準。則雖有千萬驗方。不能用之適當。用之不當。雖有千萬方。等於無方。乃不成其爲醫學矣。標準二字。非易言者。必須學理。所謂學理。不但是病理。尤當明生理。欲明生理。則非參用西學不可。然又非依樣葫蘆。可以濟事。蓋僅僅明白西國生理。不足以應變。書有定義。病無定型。以有定義之死法。應無定型之活病。可以動輒得咎。無所之而不受窘。然則奈何。曰。生理病理之外。更當明形能。形能二字。出內經。其本來意義。不如吾講義中所言之廣。余執定形能之說。以讀古書。其所悟得之處。泰半與古人不同。蓋形能非可以空談濟事。尤其不可者。是紙上談兵。必須參以實地經驗。處處不離事實。然後形能二字有真價值。惟其如此。所發見之醫理。完全與明清人不同。故余之醫學。正確是創作的。醫術不外兩大法門。其一曰診斷。其二曰用藥。西國人以科學明病理。亦以科學明藥效。其診斷是否合於病理。仍取證于科學。其用藥是否能愈病。則當取證于事實。取證于科學。可以銳進。取證于事實。則有時間性。須積長時間試驗。非可一蹴而幾者。故西國之用藥。處處在試驗之中。質言之。尙在幼稚時代。若我中國之醫學。于診斷方面。前此不能利用科學。僅憑漢以前五行舊說。歷時既久。又復失其真意。金元而後。人自爲說。僅舞弄文字。去事實益遠。故在學理方面。其程度等於零。若驗方則其來甚遠。漢書藝文志中所謂經方者。其書雖不傳。大

鐵樵醫學月刊

四

都散布人間。孫思邈之千金。王素之外臺秘要。宋徽欽時之聖濟總錄。皆積漸搜集而成。其實卽古經方之遺。此種方藥。畢竟始自何人。不可究詰。總之民間無能自撰驗方之理。則其源遠在三代以前。未可知也。成方用之而當。可以起死回生。故云驗方。其有不驗時。乃用之不當故也。論其程度。可云試驗時期已經過去。中醫不知內景。毫無學理。有時其成效過于西醫者。正因此故。故在現時代而言。中醫所當注意者。在如何能使驗方用之而適當。其本有之驗方。可以憑學理增損出入。不能澈底改造。是則無論如何。是因襲而非創作。故云余之醫學。實在是刷新。

近來知識階級因崇拜西方過分熱烈之故。侈口談科學化。下焉者因潮流所趨。絕對不敢談五行。此其事皆可商。余則以爲治學能進步與否。須視其能懷疑與否。西方學術。誠有可以欽佩之價值。然崇拜而熱烈。熱烈而過當。則凡屬西來者。無物不好。如此則無所用其懷疑。結果乃不免于盲從。至于絕口不談五行。亦非是。例如五藏分配四時。冬氣通于腎。夏氣通于心。皆有甚顯明之證據。亦豈能因潮流之故。而推翻一切。

至于藥物之研究。尤有商量。某藥含某種成分。某藥宜若何提煉。此則西醫採用中藥之事。中醫本身不當如此研究。因舍方而言藥。則中醫僅有之古方。勢必被其破壞無餘而後已。如云樹皮草根治病。爲原人時代事。此說甚不確。蘿蔔馬鈴薯都是草根。豈用以爲食品。便不得爲文明耶。今者中醫界學說綦龐雜。研究之途徑亦多歧路。以故余不惜貢其一得之愚。爲後來識途之導。海內宏達。幸注意焉。

學員須備參讀之書

章巨膺

本所學員衆多。環境各不相同。或以公餘之暇。研究醫學。或以全力專門治醫。前者讀本所講義似已足夠。後者或以本所講義分量太少。以故來函要求併期寄發講義。或詢問旁讀何種醫書。本所衡量各個之環境。分別致答。或未能盡善。又念古今醫書汗牛充棟。學者苟無別擇能力。遇書即讀。不特時間腦力兩不經濟。且恐惑中歧途邪說。茲特採選必備參考之書於後（惲氏所著書已容納在本所講義中。不另備目。勤求古訓。博採衆方。諸同學勉旃。

一傷寒論 漢張仲景著。爲國醫方書之祖。憑脈證以用藥。條例精嚴。非若內經難經虛光漂渺帶有玄學色彩者。以故爲歷代醫家所崇奉。諸同學須以全力從事於此。惟二千年來注者數十家。令人有望洋興嘆之感。本所講義第一種卽爲傷寒論。以日本丹波元簡之傷寒輯義按經鐵樵先生逐節加以按語。丹波元簡博採各家注釋之有精義者。已精美可觀。鐵樵先生復合參舊說。融會新知。爲之後按。實爲最新最精最完備作。讀此而再讀其他注本。則猶登泰山之巔。俯視羣山如拳石矣。有可參考者。約舉數種於下。

（甲）傷寒來蘇集 清柯韵伯著。仲景傷寒論王叔和爲之編次。此書則改其章目。而以湯證爲主。頗多精警獨到之處。宗人太炎先生盛稱之。

（乙）傷寒淺注 清陳修園著。此書淺顯明白。初學極便。惟陳腐而拘泥。有時死煞句下。爲其所短。

（丙）訂正傷寒論 此係醫宗金鑑之一部份。將傷寒論重新編次。使前後相貫聯。註釋明暢。於其可疑之處詳爲訂正。合理處甚多。惟有牽強武斷處。則時代限之也。

（丁）皇漢醫學 日本湯本求真著。有兩譯本。一劉泗稿譯。洞學社出版。一周子叙譯。中華書局出版。將傷寒金匱之方。分類編次。逐一解釋其適應證。分別詮解各藥之功用。並附歷來治驗之案。搜羅宏博。

鐵樵醫學月刊

六

(二)金匱 漢張仲景著。本所講義有金匱方論在第三學期。注釋者亦有數十家。惟清尤在涇所著之金匱要略爲善。讀此僅須明白病理。方藥泰半不可用。且有脫落蕪雜處。

(三)世補齋醫書 清陸九芝著。此書於傷寒溫病頗多明顯之解釋。於葉天士吳鞠通之書攻鑿甚力。爲醫林正宗之書。初學者不可不讀此。惟此書言運氣部分無聊。又選傳青主之婦科無特長。改作戴天章之溫熱論甚佳。惟用藥偏寒涼。從姜桂辛熱。則其偏耳。

(四)醫學源流 清徐大椿著。大綱凡六。持論精鑿。有據。謂病之名有萬。而脈之象不過數十。種必以望問聞三者參之。但憑脈以診斷皆妄。可謂千古卓識。一矯時醫之弊。又謂病同人異之辨。兼證兼病之別。亡陰亡陽之分。病有不愈不死。雖愈必死。又有藥誤不即死。內經司天運氣之說不可泥等。其說皆可取。

(五)溫疫論 明吳又可著。宋以前醫家多以麻桂治溫熱。至劉河間始改用辛涼。學說一變。又可繼之。著此書。開六氣爲百病之原。著戾氣爲溫熱之本。見識卓絕。爲古醫家之一大發明家。醫家必讀之書也。

(六)溫熱經緯 清王孟英著。此書論時病極完備。採集各家之說。附以己意。爲之論釋。頗有精當可取。惟深中葉吳之說。是其所短。

(七)時病論 清雷豐著。此書論四時六氣之病。俱有條理。其采前人成說處。多所折衷。

(八)小兒藥證真訣 宋錢陽仲著。此書爲兒科最完備之書。分上中下三書。上卷論證。中卷爲醫案。下卷爲方藥。條理井然。清初編入四庫全書中。名著也。

(九)微瘡祕錄 明陳司成著。微瘡爲晚出之證。來自廣東。古無治法。此爲國醫治微瘡第一部方書。日本之治漢醫者。亦奉爲鴻寶。

(十)溫熱辨惑 此係拙作。於前人之說。闢其謬辨其惑。尙有新義。明白曉暢。初學讀此。曉然於醫學之正宗。不致誤入歧途。

(十一)中國醫學史 陳邦賢著。此書歷述各朝代之醫政。記歷代之名醫。考疾病之沿革。甚有系統。國醫有史此爲創作。

(十二)解剖生理學 廣學書局出版。全書二十六章。言人體各部之組織與生理。血行與淋巴之循環。神經之系統。敘述入細。治醫者必須參讀此書。

(十三)細菌學綱要 阮其煜著。國醫雖不懂細菌學。於治療方術上無大關係。然以近來情勢。不可不一涉其藩。此書於病原細菌載述其要。

(十四)傷寒全書 鄧源和著。此書係徵集海上著名西醫之心得經驗而成。說理明白。文筆暢茂。治國醫在現今時代。必須備知西國醫學之梗概。此書宜購備參讀。

(十五)醫界之鐵椎 日本和田啓十郎著。丁福保譯和田氏治中醫十九年。經驗豐富。著此書揭國醫之精髓。闢西醫之偽詐。舉國醫之長。比西醫之短。西醫於日本最發達。而和田胆敢明辯佳作也。

(十六)漢法醫典 日本野津猛男著。丁福保譯。野津曾以中法愈西醫所不治之病。由是知中醫有特效之方藥。乃從漢醫井上遊得其傳。著此書。

(十七)本經疏證 清鄒潤安著。本草之書。不下數十種。但編輯之精。無過於此書者。鐵樵先生盛稱之。於各藥之功用。一一以傷寒金匱千金之書爲之考證。然說理不脫陰陽五行。當以時代關係。不足爲鄒氏病也。

(十八)本經逢原 清張石頑著。此書以神農本草經各主。發明性味。辨別功過。頗爲明顯。

(十九)新本草綱目 日本小泉榮次郎著。晉陵下工譯。此書於每種藥品皆詳載異名、產地、基本、品類、栽植、形態、成分、效能、製劑、處方、貯法、用法、禁忌、用量、贗品等等。搜羅宏博。吾國諸本草書。無與倫匹。

(二十)藥徵 日本吉益東洞著。此書每種藥物以仲景用藥之準則而一一加以考證。精義獨多。迥異舊說。爲研究藥物之要書。

鐵樵醫學月刊

八

(廿一)醫方集解 清汪忍庵著，此書採集傷寒金匱千金等方三百餘首。附方稱是。分例有條理。注釋頗詳盡，可供參考。
(廿二)湯頭歌訣 清汪忍庵著。此為時醫熟讀之書。雖俚俗不堪。然便於習記成方。小有用處。
國醫舊書必須參考者尚多。新書日出不窮。暇出當再為介紹。暫時止此。

本所念學員散處四方恐購備書籍濫無審辨不特空費金錢抑且流入魔道因此為便於學者起見凡學員欲購辦書籍可以委托本所代辦本所當為審查內容常購者購選擇版本孰優孰良義務代勞見通告第五號

和王鹿萍君

鐵樵

無多消息報南鴻不是愁中即病中入道未能參指月開緘雅欲愈頭風
烏衣祖德家聲在運甓前賢無難同壯志休教容易冷故人慚愧已成翁